



## yeel ti soab sēn na n tũ n tulg ka be rēnda Wēnde, ti m na maan kaset n fāag-fo gom-kāngā sabab yīnga, dūni yikr raarā

Yii a Abu Hurayrat nengē, -Wēnd yard be a yīnga- a yeelame: Wēnd Tēn-tuuma, (Wēnd puusg la A tulgr be a yīnga), yeela a saambā: «yeel ti soab sēn na n tũ n tulg ka be rēnda Wēnde, ti m na maan kaset n fāag-fo gom-kāngā sabab yīnga, dūni yikr raarā», ti saambā yeele: sā n ka Kurays-rāmbā sēn na n wa zang maam yīnga, n yetē ti yaa kūumā yēesg la rabeem n kit ti m yeel gom-kāngā, m rag n na maag f sūuri ne gomdā yeelgo, wakat-kāngā ti Wēnd na n sik Nabiyaamā zugu {Ad fo ka kāndgd fo sēn noang-a soab ye, yaa Wēnd n kāndagd A sēn tulle} [Al-kasas: 56].

[Naṣun Ṣahuḥun (Gom-sikdem sēn manege)] [A Muslim n togs-a]

Bee hadiisā pugē, ti Nabiyaamā (Wēnd puusg la A tulgr be a yīnga), kosa a saambā, n mik t'a bee kūum bōrb puga, t'a yeel ti soab sēn na n tũ n tulg ka be rēnda Wēnde, buul yīnga ti Nabiyaamā, (Wēnd puusg la A tulgr be a yīnga), na sug-s-a n kēesa arzānā dūni yikr raare, gom-kāngā sababo, la a maan kaset t'a yaa Islaama, la a saambā tōdgame, n ka na n yeel sahdā, n yēesdē ti b na n wa yōd n tu-a lame, n yeel-a ti kūumā yēesg yīng n kit t'a tuubi, ti Kurays-rāmb na n wa yetē ti kūumā yēesg yīnga la a sēn yaa valengā n kit t'a tuuba, rēnd a yeela Nabiyaama ti sā n ka rē yīnga, m rag n na maan-f sū-noogo, ne m sēn na n yeel sahdā, la m pids foom f tēebā, wakat-kāngā la Wēnd sik Aayar sēn teesde, n wilgd ti Nabiyaamā, (Wēnd puusg la A tulgr be a yīnga), ad a ka tar tōog n tōe n peeg ned n kēes dīinā ye, ka woto ye, Wēnd A Yembr taa, Yēnda n maand A sēn tulla soaba segl sōngo, la Nabiyaamā, (Wēnd puusg la A tulgr be a yīnga), a peegda bon-naandsā, la a tees-ba la a vēneg n wilg-ba, la a kāndg-ba, la a bool-ba n tug sor ning sēn yaa turgā.

<https://sunnah.global/hadeeth/mos/show/65069>

